

Museo Historico ta preparando tur cu tin pa celebra 18 Maart

ORANJESTAD(AAN)—

Manera tradicionalmente Museo Historico ta preparando pa celebra nos dia nacional, esta 18 di maart.

Tur aña un grupo di voluntario, miembronan di bestuur, staf y personal ta bini hunto pa pone un dia pa famia den otro cu un show cultural cu ta dura henter dia.

Ta pone cushina cu platonan suculento cu acento riba e cuminda tipico y ta brinda oportunidad na fundacionnan pa join y bende cuminda, cosnan special, arte y buki, recorrido riba burico, y un gran mercado di purga.

Di antemano ta bende carchi pa cuminda.

18 di maart ta e dia cu Fundacion Museo Historico ta usa pa crea fondo pa

mantencion di museo y e otro proyectonan pendiente, manera drechamento di e muraya di e Forti.

Semper e celebracion di 18 di maart na Museo ta worde califica como un dia di famia cu hopi ambiente, un “ban topa”, disfrutando di musica y baile, canto, arte local entre otro di e conocido artista Elvis Tromp, bar y cushina de lo mehor na prijsnan hopi razonable.

Bo presencia y di bo famia y amigo ta wordu hopi aprecia, no keda sin pasa na Museo Historico den Fort Zoutman. Pa e dia aki lo por bishita Toren Willem III te den top... E celebracion ta cuminsa 10 or di mainta y ta caba 4 or di atardi.